

傷寒論翼

載翁屬  
耐冬題



太陽病解第一

仲景六經之法一經有一經之病或此經雜彼經之証或彼經又有相似此經之証先要分看又要合看分看在有字處精研合看在無字處善悟非細心体認何能窺其萬一湏知六經各有提綱一條猶大將建旗鼓使人知所向故必擇本經至當之脉証標之學者湏從其提綱以審病之所在然提綱只是正面讀者又要看出底板細玩其四旁參透其隱曲則白

法美意始得了然。如太陽總綱提出脉浮頭項強痛惡寒八字。是太陽受病之正面。讀者要知三陽之脉俱浮。三陽俱有頭痛症。六經受寒俱各惡寒。惟頭項強痛是太陽所獨也。故見頭連項強痛。知是太陽受病。蓋太陽為諸陽主氣。頭為諸陽之會。項為太陽之會。故也。如脉浮惡寒發熱。而頭不痛。項不強。便知非太陽病。如但頭痛。不及於項。亦非太陽定局矣。如頭項強痛。反不惡寒。脉反沉。不可謂非太陽病。或溫邪。

內發。或吐後內煩。或濕流關節。或病關少陰。法當救裏者也。因當浮不浮。當惡不惡。故謂之反。所謂看出底板法者。以此。前輩以一日太陽。二日陽明。七日復傳之說拘之。故至今不識仲景所稱之太陽病。太陽病有身疼身重。腰痛骨節疼痛。鼻鳴乾嘔。逆煩。躁。胃滿背強。咳。渴。汗出。惡風。無汗而喘等症。仲景以其或然或否。不可拘定。故散見諸節而不入提綱。又太陽為巨陽。病必發熱。提綱亦不言及者。以始

受病者。或未發故也。其精細如此。故診者於項強頭  
痛之時。必須理會此等兼症。更細審其惡風惡寒之  
病情。有汗無汗之病機。已發熱未發熱之病勢。以探  
其表症之虛實。是從旁細看法也。即於此處辨其有  
汗是桂枝症。無汗是麻黃症。無汗煩躁是大青龍症。  
乾嘔發熱而咳。是小青龍症。項背強几。是葛根症。  
用之恰當。效如桴鼓。前輩以桂枝主風傷衛。麻黃主  
寒傷營。大青龍主傷寒見風中風見寒。分三綱鼎立。

之說以拘之。所以埋沒仲景心法。又敗壞仲景正法。  
脉浮。只講得脉體之正面。診者當於浮中。審其脉勢。  
之強弱。脉息之遲數。脉氣之緊緩。脉象之滑濇弦芤。  
故太陽一經。有但浮。弱浮。緩浮。緊浮。遲浮。數散見。  
於諸條。或陽浮而陰弱。或陰陽俱緊。或陰陽俱浮。或。  
尺中遲。或尺中脉微。或寸緩。關浮。尺弱。必細。體認。  
以消息其裡之虛實。此是仲景索隱法。若謂脉緊是。  
傷寒。脉緩是中風。脉緊有汗是中風見寒。脉緩無。

是傷寒見風。夫既有傷寒中風之別。更有傷寒中風之渾。使人無下手處矣。豈可為法乎。凡見脉浮遲浮弱者。用桂枝。浮緊浮數者。用麻黃。不必於風寒之分。但從脉之虛寔而施治。是仲景活法。亦是仲景定法。今傷寒皆以膀胱為太陽。故有傳足不傳手之謬。不知仲景書。只宗陰陽大法。不拘陰陽之經絡也。夫陰陽散之可千。推之可萬。心為陽中之太陽。故更稱巨陽。以尊之。又中身而上。名曰廣明。太陰之前。名曰陽。

明。廣明亦君主之尊稱。廣明居陽明之上。故六經分  
位。首太陽。次陽明。又晉以上為陽。膀胱位列下焦之  
極底。其經名為足太陽。以手足陰陽論實陰中之少  
陽耳。以六腑為陽論。與小腸之太陽同為受盛器耳。  
不得混膈膜之上為父之太陽也。仲景以心為太陽。  
故得外統一身之氣血。內行五藏六府之經隧。若膀  
胱為州都之官。所藏精液。必待上焦之氣化而後能  
出。何能外司營衛而為諸陽主氣哉。岐伯曰。聖人南

面而立。前曰廣明。後曰太衝。太衝之地。名曰少陰。是  
心腎為一身之大表裏也。膀胱與腎為表裏。第足經  
相絡之一義耳。且表裏亦何常之有。如太陽與少陽  
併病。刺肺俞。肝俞。豈非肝居胆外。為少陽之表。肺居  
心外。為太陽之表耶。少陰病。一身手足盡熱。以熱在  
膀胱。必便血。夫在膀胱。而仍稱少陰病。是知膀胱屬  
晉以下之陰。得為少陰之府。不得為六經之太陽。故  
不稱太陽病。又太陽不解。熱結膀胱。其人如狂。以太

陽隨經瘀熱在裡。熱在下焦。下血乃愈。蓋太陽位竅  
高。故太陽病以頭項強痛為提綱。此云熱結在下焦。  
是太陽。邪下陷之變症也。其云隨經云在裡。是知  
膀胱屬在下焦。為太陽之根底。而非主表之太陽。為  
太陽之經隧。而非太陽之都會。為太陽主血之裡。非  
為諸陽主氣之太陽也。明矣。  
傷寒竅多心病。以心當太陽之位也。心為君主。寒為  
賊邪。君火不足。寒邪得以傷之。所以名為大病。今傷

寒家反以太陽為寒水之經。是拘於膀胱為水府。因有以寒召寒之說。而不審寒邪犯心。水來尅火之義矣。夫人傷於寒。熱雖甚不死者。以寒所在。是邪之所留。熱之所在。是心之所主也。如初服桂枝而反煩。或解半日而復煩。大青龍之煩躁。小青龍之水氣十束瀉心之心下痞鞭。白虎五苓之燥渴。心煩皆心病也。若妄治後。又手冒心。恍惚心亂。心下逆滿。往來關心。是心病為太陽本病也。然心為一身之主。六經皆能

病及故陽明有憤々怵惕懊懷等症少陽有煩悸支  
結等症太陰之暴煩少陰之心○中○溫々欲吐厥陰之  
氣上撞心々中疼熱皆心病也何前輩反有傷足不  
傷手之說夫心主營肺主衛風寒來傷營衛即是手  
經始且大腸接胃俱稱陽明小腸通膀胱俱稱太陽  
傷則俱傷何分手足如大便艱是大腸病豈專主胃  
言小便不利亦是小腸病豈獨指膀胱且汗為心液  
如汗多亡陽豈獨亡坎中之陽而不涉離中之陽耶

因不明仲景之六經。故有傳經之妄耳。

人皆知太陽經絡行於背。而不知背為太陽之所主。

競言太陽主營衛。而不究營衛之所自。祇知太陽主

表。而不知太陽實根於裏。知膀胱是太陽之裏。而不

知心肺是為太陽之裏。因不明內經之陰陽。所以不

知太陽之地面耳。內經以背為陽。腹為陰。五藏以心

肺為陽。而屬於背。故仲景以胸中心下屬三陽。肝脾

腎為陰。而屬於腹。故仲景以腹中之症屬三陰。此陰

陽內外相輸之義也。營衛行於表。而發源於心肺。故  
太陽病則營衛病。營衛病則心肺病矣。心病則惡寒。  
肺病則發熱。心病則煩。肺病則喘。桂枝療寒。芍藥止  
煩。麻黃散熱。杏仁除喘。所以和營者。正所以寧心也。  
所以調衛者。正所以保肺也。麻桂二方。便是調和內  
外表裏兩解之劑矣。如大青龍用石膏。以治煩躁。小  
青龍用五味乾姜。以除咳嗽。皆於表劑中。即兼治裏。  
後人妄謂仲景方治表而不及裏。曷不於藥性一思。

之。

太陽主表。為心君之藩籬。猶京師之有邊關也。風寒初感。先入太陽之界。惟以得汗為急務。自汗而解。猶邊關之有備也。必發汗而解。是君主之令行也。若發汗而汗不出。與發汗而仍不解。是君主之令不行也。夫汗為心之液。本水之氣。在傷寒為天時寒水之氣。在人身為皮膚寒濕之氣。在發汗為君主陽和之氣。君火之陽內發。寒水之邪外散矣。故治太陽傷寒。以

發汗為第一義。若君火不足。則腎液輸於心。下者。不能入心。為汗。又不能下輸膀胱。所以心下有水氣也。故利水是治傷寒之第二義。若君火太盛。有煩躁消渴等症。恐不戢而自焚。故清火是太陽傷寒之反治法。若君火衰微。不足以自守。風寒內侵於藏府。必扶陽以禦之。故溫補是太陽傷寒之從治法。其他救弊諸法。種種不同。而大法不外乎此。

發汗利水是治太陽兩大法門。發汗分形層之次第。

利水定三焦之高下。皆所以化太陽之氣也。發汗有五法。麻黃湯汗在皮膚。是發散外感之寒氣。桂枝湯汗在經絡。是疏通血脈之精氣。葛根湯汗在肌肉。是升提津液之清氣。大青龍汗在胃中。是解散內擾之陽氣。小青龍汗在心下。是驅逐內蓄之水氣。其治水有三法。乾嘔而咳。水入即吐。是水氣在上焦。在上者汗而發之。小青龍五苓散是也。心下痞鞭、滿而痛。是水氣在中焦。中滿者瀉之。於內用十棗湯。大陷胃